

قاجار شاهلیغی زامانیندا کئچمیشه دوغرو فارس

حسرتچیلیگی (فارس آزارکشیلیگی) 6

میرزه فتحعلی آخوندوف و میرزه یوسفخان مشیرالدوله تبریزی و فارس حاکیمتینه گئدن یول، ائله جه ده غریبه فارس ایفاده سی یئرینه "ایران" آدی نین تانیلماسی!

میرزه یوسفخان مشیر الدوله تبریزده دوغولموش. او ایلك اولراق



تبریزده انگلیس کنسوللوغوندا ایشلمیش.

سونرا تهرانا چاغریلاراق پتئرزبورگدا و 1280 -

1284 ه.ق. ایلرینده تغلیسده باش کنسول

اولارکن اورادا میرزا فتحعلی آخوندزاده ایله

تانیس اولموش و اونون فارسچیلیق دوشونجه

میرزه یوسف خان

سی نین تأثیر داییره سینه دوشموش¹. میرزه

یوسف خان مستشارالدوله فرانسه-ده 1284 الی 1286 تاریخلرینده

موقتی سفیر اولارکن فرانسه-دکی "دؤلت ملتی" مفکوره سی ایله

تانیس اولموش و میرزه ملکوم خان واسیطه سی ایله ماسونلوق لوژونا

قوشولموش. میرزه یوسفخان فرانسه دؤلتچیلیک آنلایشیندان آدیغی

اتکی و تأثیرینی اسلامیته توهین ائتمدن، یوموشاق بیچیمده "ایران دؤلت ملتی" دئییه فرموله ائتمیش². میرزه یوسف مستشارالدوله "قانون" دئییه یازدیغی "**رساله یک کلمه**" آدلی کتابچانی ایرانا دؤنرکن تیغلیسده میرزه فتحعلی آخوندوفا دا گؤرستمیش. بو رساله 1874 اینجی ایل ایراندا چاپ اولموش. میرزه یوسف خان 1323 ه. ق. تاریخینده تبریزده "مرکز غئیبی" دئییه قورولموش انجمن نین ده عضو اولموش. میرزه یوسف خان نین یازدیغی "رساله یک کلمه" کتابی تبریزده "مرکز غئیبی" اوچون دوشونجه باخیمیندان بیر قیلاویز و یول گؤستریجی و رهبرلیک ماهیتی داشیمیش. بئله لیکله میرزه یوسفخان "فرانسه دؤلتی و ملتی" آنلایشی نی، قاجار ممالیکی محروسه سی اوچون بیر "ایران دؤلتی و ملتی" آنلایشی دئییه یازیلی و متن اولاراق "رساله یک کلمه" کتابی واسیطه سی ایله آذربایجان مجاهیدلرینه بیر قیلاووز و یول خریطه سی دئییه تقدیم ائتمیش. میرزه یوسفخان تبریزین مرکز غیبی انجمن نینده فارس دؤلتچیلیک آنلایشی توخومونو "ایران دؤلتی و ملتی" دئییه اکدیکن سونرا 1306 ه. ق. تاریخینده ناصرالدین شاهها بیر آچیق مکتوب یازاراق لازیملی دگیشیکلیکلرین اولماسینی ایستمیش. ناصرالدین شاه میزه یوسفخانین بو ایشلریندن خبردار اولاراق 1309 ه. ق. ایلی نین

اوللرینده اونو حبس ائتدیرمیش. بئله لیکله میرزه یوسفخان توتساقدا و حبسده اولموش³.

دئمک، میرزه یوسف خان دا میرزا فتحعلی دک فرانسه مؤدئلی بیر "ایران دؤلتی ملتی" سیستم قورولماسی و الیفبائین عربچه-دن لاتینجه یه دگیشمه سی نین یانچیسى و طرفدارى اولموش. میرزه یوسف خان یازدیغى رساله نین مختلیف بؤلوملرینده فرانسه قانونلارینى ذکر ائده رک یوروم و تعبیرلرینى اورتایا قویموش.⁴

اوسته گؤروندوگو کیمی میرزه فتحعلی دوشونجه باخیمیندان ماسونلوق ایله مشغول اولموش شخصلرین، او جومله-دن میرزه ملکوم خان و میرزه یوسف خانین چنبره سینه آلینمیش. بئله لیکله میرزه فتحعلی استانبولا ائتدیگی اوغورسوز سفرلریندن تیغلیسه گئری دؤندوکدن بیر مدت سونرا اسلام و اسلام مملکتلرینده کی حاکیمیتلری تنقید آتیشینا توتماغا باشلامیش، میرزه فتحعلی آخوندوفدان اوخویوروق:

"یئنی الیفبائین و مدنیلشمگین بوغومونو و سدینى ایسلام ملتینده، ایسلام دین-نینده و فاناتیکلیکده تشخیص وئردیگیم اوچون بو دین نین کؤکونو قازماق، فاناتیکلیگی آرادان قالدیرماق و مسلمان طایفالارینى غفلت یوخوسو و جاهیللیکدن قورتارماق اوچون ایسلامدا

پروتئستانیزمین واجیب اولدوغونو اثبات ائدیم دئییه کمال الدوله مکتوبلارینی یازماغا باشلادیم"⁵.

اوسته گؤروندوگو کیمی میرزه فتحعلی ایستر قاجار شاهلیغی، ایسترسه ده عثمانلی حؤکومتلریندن اومودسوز اولدوغو اوچون، ایستر دونیا گؤروشو و ایسترسه ده داورانیش باخیمیندان اساسی دگیشیکلر ائتمگه باشلامیش. بلکه ده عثمانلی امپراتورلوغو و قاجار ممالیکی محروسه سی تورک سلطانلاری و شاهلاری الینده اولدوغو اوچون میرزه فتحعلی آخوندوف فارسلیغی اؤز اومودسوزلوغونا بیر چیخیش یولو دئییه فارس نئهیلیسیتلیک دوشونجه سینه قاپیلمیش. میرزه فتحعلی آخوندوفدا یارانمیش بو دوشونجه ایستر ملی کیملیک، منلیک و ایسترسه ده مدنیت باخیمیندان میرزه فتحعلی-ده بیر اؤزگه لیک ابرازی یارانمیش. بئله لیکله "کمال الدوله مکتوبلاری" آدلی اثرینی 1863-1865 ایلرینده یازمیش"⁶.

بو اثرده یاخشلی صفتلر هند کولتوروندن اولموش - هیندوستان شاهلی نین اوغلو، "اورنگ زیب" موغوللارین قالیغی اولموش بابر کوره کن نین نوه سی لیبرال و مودئرن دوشونجه یانلیسی اولان بیر شخسه نسبت وئرلمیش. پیس صفتلر تورک ایران شاهلی نین اوغلو، جلال الدین، مسلمان کولتورونه مالیک اولان بیر فیقور، محافظه کار و مذهبی بیر

شخصه نسبت وئریلمیش. میرزه فتحعلی آخوندوف مذهب دگیشیکلیگی ائتمک لازیم دئییه یازمیش، اوخویوروق:

"عصرلردن سونرا غرب توپلوملاری و جامعه سی انقلاب ائتمه نی و پروتستان مذهبینی اختیار ائتمه نی درک ائتدیکلرینه باخمایاراق ایستر احمق تورک سلجوقلولار، یوخسا دا دیلم لیلر و عباسی خلیفه لیگی نین خط وئرمه سی ایله "اسماعیلی لرین بؤیوک امامی"نی اؤلدورموش، "ایران ملتی" نین چیراغینی سؤندورموشلر"⁷.


اوسته گؤروندوگو کیمی میرزه فتحعلی آخوندوف دا باشقا فارسچی مؤللیفلر کیمی شیعه لیک مذهبینه کی یئتدی اماما قائل اولموش. تئروریست اسماعیلیه فرقه سینی فارسلیق خدمتینه آماغا چالیش. بو مسئله تاریخی فاکتار ایله اوست اوسته دوشمگه رک تورکلوک دوشمنلیگینه خدمت ائتمیش بیر آنلاییش ساییلار. فارس مفکوره لی انسانلاردا بئله بیر دوشونجه نین یارانماسی امویلر زامانیندا خلیفه لیک اوغروندا اولان ساواشدا شیعه لر؛ او جومله دن اسماعیلیه فرقه سی نین یئرلی خالق ی اؤز حزبی چیخار و منعفتی اوغروندا عباسیلر ایله بیرلیکده اموی خلیفه لیگی علیهینه شیرنیکدیرمه سی و اونلارا روحیه وئرمه سی ایله ایضاح ائدیلمه لیدیر.

کئچمیشده ایشاره اولوندوغو کیمی میرزه یوسفخان مستشارالدوله "فرانسه دؤلتی ملتی" ایستعمارچیلیغی اساسیندا فورموله اولموش فرانسه دؤلتچیلیگی مودئلینی قاجار مالیکی محروسه سی اوچون بیر مودئل دئییه "رساله یک کمله" آدلی اثرینده یازی حالینا گتیره رک تبریزدکی "مرکز غئیبی انجمنی" اوچون بیر یول خریطه سی دئییه تقدیم ائتمیش. بو یول خریطه سی فارسچا یازیلدیغیندان بللی اولدوغو کیمی مشروطه حرکاتچیلاری اوچون فارسچا "ایران دؤلتی ملتی"، یوخسا اداره چیلیک دیلی دئییه آنلاشیلیمیش. قاجار شاهلیغی نین داغیلماسی و رضاخان خارجی عامیلر واسیطه سی ایله ایران مالیکی محروسه سینه میرپنج و سردار سپه دئییه حاکیمیت



حسین کاظمزاده (ایران شهر)

باشچیسی تعیین اولماقلا



سید حسن تقی زاده

دوشونجه باخیمیندان میرزه

فتحعلی آخوندوف و جلال الدین میرزه خطی تعقیب اولونموش. بو خطین باشچیلاری سیدحسن تقی زاده تبریزی و حسین کاظمزاده تبریزی اولموشلار.

حسین کاظمزاده بیر فارس مدنیت راسیستی و ذاتچی شخص اولاراق قدیم داستانلار اساسیندا یهود اجماع سی نین فارسلا اوچون توخودوغونو یالانلاری بیر حقیقت دئییه قلمه آلاراق "ملت روحونون دگیشمز اولدوغونو ایضاح وئرمک اوچون بو مسئله نی قان اساسلی انگلیستان جامعه سی ایله ایضاح ائتمگه چالیشارکن انگلیستاندا بیر ایستعمارچیلیق روحیه سی حاکیم اولماسی و حؤکوم سورمه سینی درک ائتمک ایستمه میش⁸. بو آرادا ایرانلیلارین روحیه باخیمیندان "علویت طلب و بلند پرواز" اولدوقلارینی ادعا ائده رک فارس شعوبیه چیلری طرفیندن تاریخدکی اولموش تحریفلری ایرانلیلارین "بلند پرواز" اولدوقلاری ایله ایضاح ائتمگه چالیشمیش⁹. تاریخ باخیمیندان دا ایران کلمه سی نین تورکلر واسیطه سی ایله افغانستاندان بوگونکو ایران ممالیکی محروسه سینه گتیریلدیگینی درک ائتمگه رک بیر فارس مدنیت راسیستی و ذاتچی سی اولاراق انشانلار اوزره یهود اجماعسی طرفیندن روایتلر اساسیندا یازیلیمیش یالان تاریخی ده فارسلیغا نسبت وئرمگه چالیشمیش¹⁰. سونرا بو مسئله نی ایضاح وئرکن ملتین روحونون ذاتچی و دگیشمز اولدوغونو ادعا ائتمیش.

اوخویوروق:

"ملتترین روحو اؤز ذاتلارینی دگیشمز لر. ملتترین روحو مختلیف بیچیم و شکیللرده تجلی ائدر لر. ائله جه ده ایرانلیلارین روحو تاریخ بویو دگیشمیش دئیل، موحیطینه و زامانینا گؤره، تربیت و تشویق باخیمیندان مختلیف بیچیملرده و شکیللرده تجلی ائتمیش. باشقا دئیشله اونا هر هانکی بیر یؤن و جهت وئرمیشسه لر ده، اؤز یارادیجیلیغینی اورتایا قویموش"¹¹.

اوسته گؤرون دوگو کیمی دوشونجه نین آخچی و سیال اولدوغونا باخمایاراق حسین کاظمزاده نین روح آنلاییشی ذاتچی و دگیشیلمز دئییه قان اساسلی بیر آنلاییش قلمه آلا. بو اساسدا حسین کاظمزاده پهلوی شاهلیغی نین ایش اوستونه گلدیگی گوندن اعتبارا کئچمیشه دوغرو فارس ذاتچیلیغی و راسیستلیگی نین دوشونجه باخیمیندان اساسینی قویموش آکادئمیک بیر فارس مدنیت راسیستی ساییلار. حسین کاظمزاده نین فارس ذاتچی گؤروش لری اوزره اوخوبوروق:

"ایران معمارلیغینا خام آنشانلار و ساسانیلر زامانیندا کؤنوللری اوخشایان تیکینتیلری دوزتمگه الهام باغیشلایان روح قاجارلار زامانیندا بوگونکو معمارلیقدان و پالچیق تیکینتیلر دوزتمکدن آرتیق قدرت گؤرستمه میش. قدیم ایرانلیلاری یالان دانیشماقدان، اوغورلوقدان، ایشسیزلیکدن اوزاق توتان و بو ایشلری بؤیوک باغیشلانماز گونا

حساب ائدن و ایشسيز ايرانليلارى شهردن اوزاقلادان روح بوگون يالانچى، ايكي اوزلو، عارسيز، ناموسسوزو اؤز قوجايندا بسلمه لى اولار. جاذبه، الهاملا منصورلارى دار آياغينا گؤندرَن و "منم حق" دئيردن روح بوگونكو كثيف موحيطده بئله اينانچ باخيميندان ايراده سيز، ايكي اوزلو، مالپرست انسانلار تربيت ائدر"¹².

اوسته گؤروندوگو كيمي حسين كاظمزاده مدنيت مسئله سيني روح دئيه اصلينده "قان" اساسلى بير عيرق و نژاد مسئله سى دئيه ايضاح ائتمگه و فارس راسيستليگيني تئوريزه ائتمگه چاليشميش. حسين كاظمزاده "ايران ملتى" آنلايشى باخيميندان فيكير بيرليگينه وارقا اوچون "ايرانشهر" مجله سينده آروپاليلارين مختلف اولدوقلارينى و ايرانليلارين "آنكلوساكسون" روحلو اولمالارى نين واجيب اولدوقلارينى وورقولاماغا چاليشميش، اوخويوروق:

"بيز ايرانليلار اخلاق، طبيعت، باشاريق و روانى باخيمدان فرانسه ليله، يعنى لاتين نژادينا چوخ بنزرليگيميز وار. فقط آذربايجانليلارين طبيعتى، اخلاقلارى آنكلوساكسون نژادى ايله اوست اوسته دوشر. قيسا سؤزله دئسك، آيقليق، مَتمليك، دوشونجه قاريشيقليقى، احساس ظريفليگى، احساس لطيفليگى، خوش صحبت اولماق، بو سايديقلاريم بير طرفده دورسون؛ باشقا ياندان تئز يورولماق،

متانتسيزلىك، بىر چوخ شئىلرە لاقىدلىك، ايشلردە حد و اؤلچو تانيماق باخيميندان بيزيم خصلت و رفتارلاريميز فرانسە ليلره بنزر. بو اخلاق و طبيعت مختلېفلىگى ايران ملتىنى خوشبختلىگە چاتدېرايىلمز. سىياسى مستقىللىگى قوروماق، روحى و اجتماعى باخيميندان بىر حقيقى انقلاب تۇرتمك اوچون گرک بو اخلاق و طبيعتلردە دگىشلىك اولونسون. ايرانىن معنوى احتياجى و اخلاق باخيميندان اصلاح اولماسى بيزدن آشاغىداكىلارى ايستر:

بوگونكو سست طبيعت اولمانىن ترسىنه شخصيت باخيميندان مستقىل، چتىنلىگە تابى اولان، اوزوندن متانت گۇسترن، فعالىتى و شهامتى اوزونده بارىندىران و تكمىل ائدن جاوانلار تربيت ائدك. بو طبيعت و اخلاقلار آنلوساكسون ملتلىرىندە (انگلىسر و آلمانلاردا) فرانسە ملتىندن داها دا يوكسكدىر. انگلىستاندا و آلماندا تربيت ائتمك اوصولو بو مسئله يە خدمت ائدر"¹³.

اوستە گۇروندوگو كىمى محمود افشار يزدى نىن رضاخان حاكىمىتىنە ائتدىگى سفارېشلىرى حياتا كئچىرمك ايستدىگى "يکسان سازى" سياستىنە حسين كاظمزاده تئورى وئره رك فارس ايستعمارچىلىغىنا خدمت ائتمگى اوزونه بىر مىلى وظيفه دئيه بىر ذاتچىلىق و نژادپرستلىك رسالتى قلمە آلمىش.

سیدحسن تقی زاده کاوه مجله سینده فردوسی نین قبری نین
 تاپیلماسی و اونون یئنین قورولماسینی تأکید ائتمیش. فارس ملی
 اثرلر انجمنی (انجمن آثار ملی) فردوسی نین قبرینی تاپماغا و
 دوزتمگه تصمیم توتמוש. بو خبر اساسیندا حسین کاظمزاده بو
 ایشدن چوخ راضی قالدیغینی ایرانشهر مجله سینده بیلدیرر¹⁴،
 اوخوبوروق:

" زهی مایه ی خوشبختی است که کم کم حساسیت ملیت در قلوب
 افراد ایرانی در بیدار شدن است و گوئی نژاد/ایرانی پس از هزار سال
 خوابیدن حالا چشمهای خودرا باز می کند و به خود میاید و به
 اطرافش نگاه کرده و خود را می شناسد و می فهمد کی و کجا بوده و
 حالا چه شده و به کجا رسیده ست"¹⁵.

اوسته کی گؤروشلر بیرینجی دنیا ساواشی زامانی برلینده
 سیدحسن تقی زاده و حسین کاظمزاده "ایرانیت" آدی باشلیغی
 آلتیندا اولوشدوردوقلاری فارس ملیتچیلیگ و نژادپرستلیگی اساسیندا
 اولوشמוש. آلمان بیرینجی دنیا ساواشیندا یئنیلدیکدن و شکست
 یئدیکدن سونرا آلمان نازیستلری آراسیندا آلمانیانین بیرینجی دنیا
 ساواشیندا یئنیلمه سی نین علتی آلمان توپلومونون ایچریسیندن
 خیانت اولמוש دئییه قلمه آلینمیش. آلمان نازیستلری بو مسئله نی

آلمانلارین بعضیلری نین باشقا ائتیکلر ایله ائولنمکلی و بو قاریشیق



ائتیکلردن اولموش انسانلارین

ایشچی سیندیکالاریندا

سوسیالیست آدینا آلمانلیغا

خیانت ائتدیکلی یوروم، تعبیر و

تفسیری ایله ایضاح ائدلمیش.

بئله لیکله آلمان نازیستلری نین

Alfred Rosenberg

ایدئولوغو Alfred Rosenberg بو

مسئله نی آلماندا "قوزئی آریایی مدنیتی" علییه اولوشموش بیر

عیرق و نژاد خطری دئییه قلمه آلمیش. Alfred Rosenberg – ه گوره

آریالی عیرق و نژاد علییه بو خطر یهودیلیک و سامیلیک خطری

ساییلارمیش. بو نظره اساسا آریالیلار اوستون بیر عیرق و نژاد اولاراق

مدنیت یاراتماغا قادیر و قابیل اولارکن آیری عیرق و نژادلار آریا مدنیتینی

بیخار و یوخا چیخارارمیش. گوروندوگو کیمی حسین کاظمزاده

"ایرانلیلاری" مدنیت قوروجوسو قلمه آلدیگی کیمی Alfred

Rosenberg ده آلمانلارین مدنیت قوروجوسو اولدوقلارینی آریالیلارین

قانلاریندا یئرلشمیش ذاتی بیر قان مسئله سی اولدوغونو ادعا

ائتمیش (Religion des Blutes). بو عقیده یه اساسا هر هانکی بیر

بدنن ساغلیغی او بدنده اولان مریض عضو کسمک ایله ساغالابیلر
 دئییه دوشونجه و فیکری ایله سونوچلانمیش و نتیجه لنمیش. Alfred
 Rosenberg-ه گوره آلمان توپلومونداکی یهودیلیک قان تأثیری نین
 مسیحیلیک قان تأثیری ایله دگیشیلمه سی واجیب ساییلارمیش¹⁶.

بئله لیکله 1933 اونجو ایل آلماندا نازیستلر ایش اوستونه گلدیکن
 سونرا آلمان نازیستلری طرفیندن آریالی تانینمایان انسانلار، او جومله-
 دن یهودیلر آلماندا یانديريلماغا باشلانمیش. آلمان نازیستلری نین
 سامیلیک و یهودیلیک علیینه اولان ایدئولووقو، Alfred Rosenberg اؤز
 فاشیستی گؤروشلرینی ایرانلا مدنی علاقه لر دئییه رادیو واسیطه
 سی ایله برلین شهریندن بهرام شاهرخ سسی ایله ائفیره وئره رک
 ایران ممالیکی محروسه سینه آریا راسیستلیگی پروقرامیندا یایماغا
 داوام ائتدیرمیش. آلمان نازیستلیگی زامانیندا عیرقچیلیق و
 نژادپرستلیک آچی و زاویه سیندن ایرانلا، فارس حاکیمیتی ایله
 ایلشگیلر گلشیمگه باشلامیش. بهرام شاهرخ آلمان نازیست
 ایدئولووقو Alfred Rosenberg-ین دیلینده دئمیش:

"قدیم زامانلار کیرمان شهری ژرمن نژادی نین دوغولوش یثری
 اولموش". 1934 اونجو ایل برلینده آلمان ایران حؤکومتلری طرفیندن
 دوزنلنمیش فردوسی نین مین ایللیک آغیرلاماق بایرام و مراسیمینده

آلمان نازیست علوم وزیری نین وزیر معاونی Vahlen آلمانلیلارین و ایرانلیلارین آریا عیرقیندان، هیندوگئرمین عیرقینا باغلی اولدوقلارین



ابولقاسم نجم، نازیست آلمانداکی ایران سفیری

ادعا ائتمیش و دانیشیغین سونوندا بوتون حاضرلردن هایل رضا شاه دئمکلی ایستتمیش (یاشاسین رضا شاه)¹⁷. قارشیلیق اولاراق اوراداکی فارس رضاخان حاکیمیتی سفیری ابولقاسیم خان نجم چیخیش ائده رک "آلمانلار ایله فارسلا رین اورتاق و مشتریک روح دئییه قان باغلاریندان "هیندو ایران" و اوندان داها اؤنجه کی

"هیندوژئرمین" عیرقیندان سؤز آچمیش. ابولقاسم خان نجم ادعا ائتمیش: ایران کلمه سی "آریا" کلمه سینه اساسلانا، ایران آریا مملکتی و آریا کلمه سی هیندیله و فارسلا اوچون تاریخدن گونه گلیمیش اونودولماز بیر آنلایشدیر دئییه ادعا ائتمیش¹⁸. HANS HEINRICH SCHAEFER باشقا بیر چیخیشچیلاردان اولموش. بو شخص سیاستچی دئییل، ادبی و شرقشناس بیر شخصیت اولدوغو اوچون فردوسی شاهنامه سینده ایشلنمیش ایران کلمه سینی

"فارس، و پارس" يئرینه ایشتمیش، آنجاق دۆلتچیلیک مفکوره سی باخیمیندان فارسلیغی قاباتماغا چالیشمیش. HEINRICH SCHAEEDER - گۆره فارس ملتی اۆزگه حاکیمیتچیلیک قارشیسیندا یئنیلمیش و شکست یئمیش و اۆز دۆلتچیلگینی تورک و موغوللارین رهبرلیگینه تسلیم ائتمیش¹⁹.

برلیندکی فارس حاکیمیتی ائلچیسى ابولقاسم خان نجمین آلمان ایران دۆلتلری نین فردوسی اوزره کئچیردیگی قورولتایلاریندان گلدیگی قناعتی رضا شاه دۆلتینه یازاراق ایمكان داخلینده غرب مملکتلرده ده "Persan, Persian, Persien, perser, Persia, Perse" آدلاری یئرینه ایران ممالیکی محروسه سینده فارس ادبیاتیندا ایشلندیگی "ایران (Iran)" و "ایرانیان (Iranian)" آدلاری نین ایشلدیلمه سینی



بâقیر کاظمی، خارجی ایشلر ناظری

ایستمیش. بو دوغرولتودا "سواد متحدالمال وزارت جلیله امور خارجه" آدینا ایران خارجی ایشلر ناظیری باقر کاظمی غرب دۆلتلرینده کی ایران ائلچیلیکلرینه بیر مکتوب گۆندرمیش. او مکتوبدا غرب مملکتلرینده ده "ایران" دئییلمه سی و یازیلماسی اوچون دلیللر سایلمیش. قیسا اولاراق او دلیللر

بونلار:

"فارس ایران نین کیچیک بیر بؤلگه سی نین آدی؛ ایران بؤیوک بیر جغرافی بؤلگه نین آدی اولماسی؛ آرپالیلارین ایران کؤکنلی اولدوغو و ایرانلیلار دا بو مسئله دن پاییسیز قالماق ایستمدیگی؛ سونونجو اولراق پارس کلمه سی ائشیدیلدیگده خاريجیلر ضعیفلیک، جاهیللیک، بدبختلیگی و لیاقتسیزلیگی خاطرلارلار. بو نا باخمایاراق رضا شاه ایش اوسته گلدن سونرا وضعیت دگیشمیش، مملکتده گلشیمک و پیشرفت اولونموش. پارس کلمه سی کئچمیشی خاطرلادیگی، گئریده و آرخادا قالدیگی اوچون مملکتین آدی "ایران" دئییه ایشلنسنین"²⁰. اوسته کی دلیلره اساسا خاريجده کی فارس دؤلتی سفیرلیکلرینه آدرئسلنمیش مکتوبدا اوخویوروق:

"اوسته کی دلیلره اساسا برلینده کی شاهنشاهلیق سفیرلیگیندن بیر تکلیف اولونموش. بو تکلیفه اساسا بوندان سونرا بیر عملین حیاتا کئچمه سی، مملکتده فارسچا دانیشدیغیمیز و یازیشدیغیمیز کیمی خاريجی دانیشیق و یازیشمالاریمیزدا "ایران" (Iran) و "ایرانیان" (Iranian) یازمامیز لازیم گؤرونر. بو تکلیف ایله خاريجه ایشلر ناضرلیگی راضی اولدوغو اوچون خاريجه ناضرلیگی نین بو مسئله نی تأیید ائتمه

سى ايله عالی مقاملار دا بونو تأييد ائتميش. 1314 اونجو ايلين فروردين آيى نين بيريندن بو دستور العمل يئرینه يئيريلمه ليدير"²¹.



Wipert von Blücher

تهراندا فردوسى نين مين ايلليگى
آدلانان ييغينجاقدان آلمان سفيري
Wipert von Blücher اشتراك انده
Fritz Wolff ايرانشناس
طرفيندن حاضيرانميش شاهنامه
كتابى نى، ايكى جيلده
رضاشاهين باش وزير محمدعلى
فروغى-يه تقديم ائتميش"²².

بئله ليكله غرب دؤلتلرينده "ايران
مماليكى محروسه سى" يئرینه
ايشلنميش "پئرس، پئرسان" كلمه

لرى "ايران" آدى ايله دگيشيلميش و فارس حاكيميتى "ايران" كلمه
سینی فارسليغين شخصى مولكو حئساب ائتمگه باشلاميش.
بيلينديگى كيمي افغانليلار دا آريانا آديندان يولا چيخاراق "ايران" آدينى
افغانستانا عاييد بير آد حئسا ائدرلر.

ایشیق سؤنمز، 10.02.2019

- 1 عبدالرفیع حقیقت: میرزا یوسفخان مستشارالدوله،
<http://ensani.ir/file/download/article/20120828110909-4055-2300.pdf>
- 2 آریں پور، از صبا تا نیما، ص. 282
- 3 میرزا یوسف مستشار الدوله، https://fa.wikipedia.org/wiki/یوسف_مستشارالدوله
- 4 مستشارالدوله، یوسف، رساله یک کلمه، انتشارات پال، ۱۳۸۵.
- 5 الفیای جدید و مکتوبات، «بیآغرافیای...» ...، ص. 354.
- 6 آخوندزاده، میرزا فتحعلی: مکتوبات، به کوشش باقر مومنی، تبریز، نشر احیاء، 1350.
- 7 فریدون آدمیت: اندیشه های میرزه فتحعلی آخوندزاده، تهران، 1349، ص. 224؛ آیینمیش: ملحقات ص. 489.
- 8 حسین کاظمزاده، ایرانشهر، سال دوم، شماره 4، 1923، ص. 200.
- 9 حسین کاظمزاده، ایرانشهر، سال دوم، شماره 4، 1923، ص. 202.
- 10 حسین کاظمزاده، ایرانشهر، شماره 4، سال دوم، 1923، ص. 194.
- 11 حسین کاظمزاده، ایرانشهر، شماره 4، سال دوم، 1923، ص. 204.
- 12 حسین کاظمزاده، ایرانشهر، شماره 4، سال دوم، 1923، ص. 204 – 205.
- 13 حسین کاظمزاده، ایرانشهر، سال اول، شماره 7، 1922، ص. 163.
- 14 گیتی نوین، گفتگوی در باره ی آریا گرایی و نژاد پرستی در میان "روشنفکران" ایران:
http://andishar.blogspot.com/2017/04/blog-post_27.html
- 15 حسین کاظمزاده، ایرانشهر، شماره 10، برلین 1924، ص. 608
- 16 Alfred Rosenberg, Der Mythos des 20. Jahrhunderts, Wolfratshausen, 1915.
- 17 [Die Firdosi-Feier in Berlin - Zeitschrift der Deutschen Morgenlaendischen Gesellschaft 1934](#), S. 115.
- 18 [Die Firdosi-Feier in Berlin - Zeitschrift der Deutschen Morgenlaendischen Gesellschaft 1934](#), S. 115.
- 19 [Firdosi und die Deutschen - Zeitschrift der Deutschen Morgenlaendischen Gesellschaft 1934](#), S. 119.
- 20 باقر کاظمی، وزیر امور خارجه، سوادالمال وزارت جلیله امور خارجه، نمره 41749، مورخه 03-10-1313.
- 21 باقر کاظمی، وزیر امور خارجه، باخ اورادا.
- 22 **Fritz Wolff**: *Glossar zu Firdosis Schahname*. Nachdruck der Erstausgabe von 1935